

## Piharateng toya miliyasay a tamdaw

Kepit han ako ko mata,  
harateng sa kako to piliyas iso i  
takowan.

Mafana' kiso to caayka filo ako a  
miharateng ko piliyas iso,  
mafana' kiso to karetengay a  
rarom ako.

Aro' sa kako i pangpangan no  
loma',  
maharateng ako ko malahedaway  
a narikoran iso,  
anini sato, ira:ayto kiso.  
Caayto ka'araw ko tireng iso,  
caay haca ka tengil ko ngiha iso.

Nikawrira, pakaso'lin kako,  
ini i kemod no faloco' ako kiso.  
Na maharateng ako kiso i,  
tata'ang ko rarom ako,  
Ci'koy sa kako,  
terep sa kako,  
tongal sa ko piharateng i  
tisowanan.

Pasipaputal kako a mikecor,  
marasmas ko tefad no 'orad,  
lowis sa a matefad ko losa' ako.

Cima ko mama^deng a misisit  
toya caay ka citolas a losa' ako  
hakiya?

cima ko mama^deng a cangrayen  
ako?

cima ko mama^deng a mitengil  
to tangic ako?

Kerem sato ko lafii, terep sato ko  
tamdaw,  
caayto ka 'araw ko lalan,  
kawrira o yananho ko nika  
kidem no faloco' a ma'ilol  
itisowan.


O yananto a langdaw ko riyar,  
o yananto a misaliyaliyad ko  
cowaco' no tapelik,  
maanen ako a pahineknek ko  
faloco' saw?  
masetol no harenghengay a  
tapelik ko faloco' kako,  
caayka sawad ako a miharateng  
ko piliyas iso itakowan



曾却枝 家庭主婦

Pasawalian Pangcah

海岸阿美語 | 新詩 優選



## 想著離去的人

輕輕的閉上雙眼  
默默的想著離去的你  
你知道我對你有多不捨  
靜靜的獨坐庭院  
想起你那離去的背影  
但 如今 你離我遠去  
不再見到你的身影  
再也聽不到你的聲音  
但 我相信  
你留在我心深處  
憶起你 心悲悽  
我低頭  
我沉默  
更思念你  
望著窗外

細雨綿綿  
淚水也綿綿落下  
有誰能擦去那流不盡的淚水  
有誰願在我身旁  
讓我訴說那深深的情懷  
夜深了 人也靜了  
街頭更靜  
我還是依然默默的想你  
海依然的藍  
浪一再的濤起  
我心如何平靜  
狂浪沖破我  
我更思念那離去的你